

## Maqaalee Rabbii (Subhaanahu)-Kutaa 1.1

### Description

Bismillahi Rahmaani Rahiim, Alhamdulillahi Rabbil aalamiin.

Dhugumatti Faaruun hundi kan Rabbiiti. Isa ni faarsina, ni gargaarsifanna, araarama Isa kadhanna. Sharriwwan nafsee teenyaa fi hamtuwwan hojiiwwan keenyaa irraa Rabbiin eeggamna. Nama Rabbiin qajeelche kan isa jallisu hin jiru. Nama Rabbiin jallinna keessatti dhiise kan isa qajeelchu hin jiru. Rabbii Tokkicha shariika hin qabne malee dhugaan gabbaramaan akka hin jirre ragaa nan baha. Akkasumas, Muhammad gabrichaa fi Ergamaa Isaa taâ€™uu ragaa nan baha.

Maqaaleen Rabbii keenya hundi babbareedoo fi amalooni (sifaanni) Isaa hundii sifaata gugguutu taâ€™aniidha. Namni kanniin hunda hubachu kan dandaâ€™u, maqaalee fi sifaata barachuuf yoo tattaafateedha. Imaamu ibn Al-Qayyim (rahimahullahu) ni jedha: â€œKaraa maqaalee fi sifaatatin gara Rabbii deemun dhimma ajaaâ€™iba taâ€™eedha. Namni maqaalee fi sifaata Rabbii beeke, warroota garmalee ifaajan baayâ€™ee dursa. Rakkoo guddaa osoo hin arginii fi biyya isaa keessaa osoo hin bahini fi hin raataâ€™in [gammachuu barbaadu] argata. Wanti nama ajaaâ€™ibsiisu halkanii guyyaa deemuu fi mallattoon adeemsaa namarratti mulâ€™achuu osoo hin taâ€™in, nama tasgabbaâ€™e fi mallattoon adeemsaa (imalaa) irratti hin mulâ€™anneedha. Garuu inni marsaalee adeemsaa (imalaa) baayâ€™ee darbee jira. Namni kuni nama nafseen isaa isa yaabbattee fi inni ishii baadhatuun kan deemudha. Inni nafsee ofiitti qabsaaâ€™un takkaa gara fuunduraatti deema, takkaa immoo nafseen duubatti isa butti.â€

[\[1\]](#)

Dhugumatti, nafsee ofiitti qabsaaâ€™un qabsoo (jihaada) guddaadha. Karaan guddaan nafsee ofii itti injifatan maqaalee fi sifaata Rabbii guddaa beeku fi itti amanuudha. Namni akkuma Rabbiin beekun nafsee ofii haala salphaan tooâ€™ata. Fedhii ofiitiif hin harkifamu. Yeroo darbee faaydalee maqaalee fi sifaata Rabbii beeku waan ilaallef amma irra hin deebinu. Amma hojiin keenya maqaalee fi sifaata kanniin baruu fi wal barsiisudha. Haala salphan akka hubatamu fi hojiitti jijjiramuuf barnoota maqaalee Rabbii (subhaanahu wa taâ€™aalaa) haala afur armaan gadiitiin ilaalla:

A-Taâ€™ariif (hiikkaa) maqaa

B-Sifaata maqaan kuni of keessaa qabu

C-Ibsa Aayatoota (keeyyatoota) Qurâ€™aanaa muraasa maqaa kana of keessaa qabanii

D-Maqaa fi Sifaata kana beekuu fi itti amanuun buâ€™aa namni argatu

Bismillah jechuun Maqaa Rabbii â€œAllaahâ€¢ jedhu irraa haa jalqabnu.

### 1-Allaah (Ø§Ù„Ù„Ù‡)

#### A. Hiika â€œAllaahâ€¢

â€œMaqaan garmalee kabajamaa fi bareedaan kuni maqaa hundarra guddaa taâ€™eedha. Kanaafi, maqaaleen Rabbii biroo maqaa kanatti maxxanfamu. Ar-Rahmaan, Ar-Rahiim, Al-Khaaliq, Ar-Raaziq, Al-Aziz, Al-Hakim fi kan biroo maqaa Allaah ti jedhamu. Qurâ€™aana keessatti maqaan â€œAllaahâ€¢

jedhu siâ€™a 2724 dubbatame jira. Maqaa kanaan Isa malee eenyullee ittiin hin waamamu.

(Hiika jecha ijoo: **Gabbaru** jechuun wanta tokko garmalee jaallachuu, ol-guddisuu fi wanta saniif of gadi qabuudha. Ammas, hiikni biraa â€“**Gabbaruuâ€**: Jaalala fi of gadi qabuun, sodaa fi kajeellaan wanta Gooftaan itti ajaje hojjachuu fi wanta Inni dhoowwe dhiisudha. Gabrichi gabricha kan jedhameef wanta bulchaan isaa itti ajaju waan hojjatuuf, ammas wanta inni dhoowwe waan dhiisufi.)

Hiikni â€œAllaahâ€¢ jedhu hundeen isaa â€œIlaahâ€¢ dha.[\[2\]](#) Ilaah jechuun gabbaramaa jechuudha. Sheykhul Islaama ibn Taymiyyah hiika â€œIlaahâ€¢ (Gabbaramaa)â€¢ akkana jechuun ibsa: â€œIlaah gabbaramaa gabbarri haqa godhatuudha. Rabbii Tokkicha malee homtu gabbaramu hin qabu. Isaan ala wantoonni gabbaraman (waaqefataman) hundi baaxila (soba). Allaah Ilaah (Gabbaramaa) haqaati, Isaan ala gabbaramaan biraa hin jiru. Namni yoo Isa gabbaree fi Isa waliin gabbaramaa biraa yoo hin godhin, Isa tokkichoomse jira. Allaah ni jedha:



فَلَا نَدْعُ مَعَ اللَّهِ إِلَهًا أَخَرَ فَتَكُونُ مِنَ الْمُعَذَّبِينَ

â€œGabbaramaa biraa Allaah waliin hin kadhatin, [yoo akkas goote] warra azzabaman (adabaman) keessaa taatati.â€¢ Suuratu Shuâ€™uraa 26:213

(Duâ€™ayin (kadhaan) hiika ibaada (gabbari) of keessatti qaba. Kanaafu, hiikni aayah: â€œRabbiin waliin gabbaramaa biraa hin gabbarin. Yoo akkana goote, warroota azzabaman keessaa taata.â€¢[\[3\]](#) Rabbiin waliin waan biraa gabbaruun shirkii waan taâ€™eef azaaba (adabbii) guddaatti nama geessa. Fkn, warroota duâ€™an kanneen akka nabiyyoota, awliyaâ€™otaa, warroota fagoo namarrraa jiran kanneen akka Malaykoota, Jinnoota fi uumamtoota biroo nama fayyaduu fi miidhaa namarrraa deebisuu hin dandeenye kadhachuun shirkiidha.) Ammas Rabbiin ni jedha:



لَا تَجْعَلْ مَعَ اللَّهِ إِلَهًا أَخَرَ فَنَقْعُدْ مَذْمُومًا مَخْذُولًا

â€œRabbiin waliin gabbaramaa biraa hin godhin.[Yoo akkas goote] balaaleffatamaa fi salphataa taatee teettati.â€¢ (Suuratu Al-Israa 17:22) (Rabbiin waliin wanta biraa hin gabbarin. Rabbiin alatti wanta biraa yoo gabbarte, Rabbiin biratti, Malaykoota fi namoota gaggaarii biratti balaaleffatamaa (waqqafamaa fi jibbamaa) akkasumas, makhzuul taate teetta. Makhzuul jechuun yeroo haajaa isaa nama isa gargaaru kan dhabeedha. Namni Rabbiin waliin waan biraa gabbaru addunyaa fi Aakhiratti gargaarsa hin qabu. Salphataa taâ€™ee hafa. Jechi â€œeteettaâ€¢ jedhu dadhabbinnaa fi gadi aantummaa bakka nama kanaa agarsiisa.\* Gargaarsa irraa abdi kutee fi salphatee taaâ€™a.) Ammas ni jedha:

إِذْ قَالَ إِبْرَاهِيمُ لِأَبِيهِ عَازِرَ أَتَتَخِذُ أَصْنَامًا إِنِّي أَرَنَّكَ وَقَوْمَكَ فِي ضَلَالٍ مُّبِينٍ ﴿٦﴾

â€œYommuu Ibraahim abbaa isaa Aazarin [akkana] jedhe [yaadadhu]: â€˜Sila ati taabota gabbaramtoota godhattaa? Ani dhugumatti, sii fi ummata kee jallinna ifaa bahaa keessatti argaa jira.â€™â€¢ Suuratu Al-Anâ€™aam 6:74

Wanti uumame (makhluuqni) mataa isaatin gabbaramaa (ilaah) miti. Garuu namni isa gabbaru akka gabbaramaatti ilaalun gabbarama godhe, gabbaramaa (ilaah) jechuunis moggaase. Kuni soba (baaxila). Nama kana hojjatu ni miidhaa malee hin fayyadu. Wanti Rabbiin ala jiru gabbaramaa gabbaramu fi kadhatamu taâ€™uu hin dandaâ€™u. Sababni isaas, wanti kuni homaa umuu fi soorata (rizqii) namaaf kennuu hin dandaâ€™uâ€™! Wantoonni Rabbiin ala jiranakkuma Uumaa fi Raaziqa (kan sooru) taâ€™uu hin dandeenye, gooftaa gabbaramus taâ€™uu hin dandaâ€™an. Rabbiin Uumaa, Raaziq, Jiraachisaa wantoota hundaa waan taâ€™eef haqaan gabbaramu kan qabu Isa malee hin jiru. Inni shariika hin qabu, mootummaan kan Isaati, faaruunis kan Isaati, Inni waan hundaa irratti dandaâ€™aadha.â€•[4] (Majmuuâ€™u Al-Fataawaa 13/202-205)

Ibn Al-Qayyiim ni jedha: â€œIlaah (gabbaramaa) jechuun jaalalaan, garmalee kabajuun, gara Isaatti deebiâ€™uun, ol-guddisuun, gadi of xiqqessun, gadi of qabuun, sodaan, kajeellaani fi irratti hirkachuun kan qalbiin gabbartuudha.â€•[5] Kanaafu, ilaahni (gabbaramaan) kan garmalee jaallatamu, kabajamu, olguddifamu, kan isaaf of gadi xiqqessanii fi of gadi qaban, sodaatan, waan hundaa irraa kajeelanii fi irratti hirkataniidha.

Sheyku Abdurahmaan Saâ€™dii ni jedha, â€œAllaah: Gabbaramaa umamtooni hundii gabbaruu qabaniidha. Sababni isaas, Sifaata guutuu taâ€™aniin waan ibsameef.â€•(Rabbitiin subhaanahu wa taâ€™aalaa sifaata guutuu waan qabuuf haqaan gabbaramu kan qabu Isa qofa. Wantoonni Isaan ala jiran sifaata guutuu waan hin qabneef isaan gabbaruun gonkumaa hin taâ€™u. Sifaata (amaloota) gugguutuu taâ€™an keessaa: Waan hundaa beeku, arguu, dhagahuu, waan hundaa irratti dandeetti qabaachu, rahmata gochuu, guutumaan guututti dureessa taâ€™uu, umamtoota hundaa jiraachisuu, eeguu fi kan biroo. Sifaata gugguuta kanniin kan qabu Allaah dha. Wantoonni Isaan ala jiran sifaata kanniin hin qaban. Kanaafu, garmalee kan sodaatan, gadi jedhaniif, jaallatan, irratti hirkatan, waan hundaa irraa kajeelanii fi kadhatan Allaah qofa.)

### **B.Sifaata maqaan â€œAllaahâ€• of keessaa qabu**

Maqaan kuni sifaata guutuu taâ€™an hunda kan of keessatti qabateedha. â€œMaqaan Allaah jedhu [Rabbitiin] Gabbaramaa taâ€™uu fi umamtooni hundi jaalalaan, ol-guddisuun, of gadi xiqeessuun, yeroo rakkoo fi balaa gara Isaatti dheessun kan Isa gabbaran taâ€™uu agarsiisa.â€•

Rabbitiin sababa sifaata guutuu qabuuf Gabbaramaadha. Amaloota guddinnaa waan qabuuf ni gabbarama. Ammas, umamtoota kan uumuu, jiraachisuu, bulchu, dhimma isaanii qindeessu fi tooâ€™atu Isa qofa waan taâ€™eef kan gabbaramu Isa qofa. Ammas, umamtoota hundaaf rahmata kan godhu, qananii keessaa fi alaa isaaniif kan kennu Isa Tokkicha waan taâ€™eef ni gabbarama. Ammas Rabbitiin ni gabbarama sababni isaas, beekumsaan, murtiin, ogummaan, tolaan, rahmataan, dandeettin, jabeenyaanii fi injifannoont wantoota hundaa waan marseef. Inni gabbaradha sababni isaas, gama hundaanu durummaa daangaa hin qabneen waan Tokkicha taâ€™eef (Gara hundaan Dureessa homattu hin hajamne waan taâ€™eef kan gabbaramu Isa qofa). Wantoonni Isaan ala jiran immoo yeroo hundaa jiraachuu fi turuuf Isatti hajamu. Haajaa xiqqaa fi guddaaf, wantoota isaan barbaachisan hundaaf Rabbitti hajamu.[6] Kuni akka Isa gabbaranii fi Isaaf of gadi qaban isaan taasisa. Kanaafu, Rabbitiin dureessa wayittu hin hajamne, waan hundaa kan beeku, uumuu, jiraachisu, waan hundaa irratti dandeetti kan qabuu fi sifaata gugguutuu biroon kan ibsamu Isa qofa erga taâ€™e, Gabbaramaan haqaa Isa qofa jechuudha. Wantoonni Isaan ala jiran immoo hiyyeyi waan taâ€™aniif Isatti hajamu. Kanaafu, gabroota Isaati. Amaloota (sifaata) guutuu waan hin qabneef gooftaa gabbaramu taâ€™uu hin dandaâ€™an. Kana sirritti itti

xinxalli!!! *Gooftaa haqaan gabbaramu fi gooftaa sobaan gabbaramu kan addaan baasu sifaata guutuu qabaachu fi dhiisudha.* Gooftaan haqaan gabbaramu sifaata gugguuta qaba. Rabbii gaditti wantoonni namoonni gooftaa jedhani gabbaran immoo sifaata (amaloota) guutuu waan hin qabneef sobaan kan gabbaraman(waaqefatamanii)dha. Rabbiin subhaanahu wa taâ€TMaalaa ni jedha:

ذَلِكَ بِأَنَّ اللَّهَ هُوَ الْحَقُّ وَأَنَّ مَا يَدْعُونَ مِنْ دُونِهِ هُوَ  
الْبَطِلُ وَأَنَّ اللَّهَ هُوَ أَعْلَمُ الْكَيْرٍ

٦٢

â€œSuni waan Rabbiin [Gabbaramaa] haqaa taâ€TMee fi wantoonni isaan Isaa gaditti gabbaran soba (baaxila) waan taâ€TMeeifi, Ammas Rabbiin Isatu oltaâ€TMaa, Guddaa taâ€TMeeifi.â€ Suuratu Al-Hajj 22:62

Aayah tana dura Rabbiin halkan guyya keessa, guyyas halkan keessa akka seensisu dubbata. Naannawa addunyaa garagaraatti bonaa fi ganna dheerinni guyyaa fi halkanii garagara. Yeroo bonaa guyyaa dheresssa, yeroo ganna immoo halkan dheressa. Haala kanaan halkanii fi guyyaa wal keessa seensisila. Imaamu Ibnu Jariir Xabari aayah armaan olii haala kanaan ibsa: Rabbiin oltaâ€TMaan ni jedha: â€œSuni â€¢ kana jechuun, hojiin Ani hojjadhe kuni- halkan guyyaa keessa seensisu, guyyas halkan keessa seensisun-[kan raawwatame] sababa Ani Haqa fakkaataan, shariikni fi dorgomaan Naaf hin jirre taâ€TMeeifi. Wanti mushrikoonni kunniin Rabbii gaditti gabbaramaa (ilaah) godhachuu kadhatanii fi gabbaran, baaxila (soba) homaa hojjachuu hin dandeenyedha. Rabbiin oltaâ€TMaan warroota Isaa gaditti gabbaraniinakkana jedha: â€œYaa warra beekumsa hin qabne! Fayyaduu fi miidhun harka Isaa kan jiru, wanta hundaa irratti Dandaâ€TMaa gabbaruu dhiistanii wanta sobaa gabbarrin isaa isin hin fayyanne gabbartanii? â€œRabbitiin Isatu oltaâ€TMaaâ€œ- Olâ€TMaantummaan kan Isaati. Inni wantoota hundaa oli, wantoonni hundi Isaa gadi. â€œGuddaaâ€œ Inni wantoota hunda caalaa Guddaadha, wanti Isa caalaa guddaa taâ€TMe hin jiru.â€¢Tafsiiru Xabari 16/622

Haqa jechuun yeroo hundaa turaa gonkumaa kan hin banneedha. Rabbiin gabbaramaa haqaati. Sababni issas, Inni haqa waan taâ€TMeeef yeroo hundaa turaa fi jiraataa gonkumaa hin duunee fi hin banneedha. Wantoonni Isaa gaditti gabbaraman kanneen akka taabota fi uumamtoota biroo waan badaniif ibaadan (gabbarrin) isaaniif godhamu baaxila (soba). Baaxila jechuun hundee kan qabnee, hin turree fi kan baduudha. Wanti kaafironni gabbaran wanta baduudha. Ibaadan isaaniis hojii baduudha. Kanaafu, hojiin isaanii hundi baaxila (soba).

**C.Ibsa Aayatoota (keeyattoota) Qurâ€TMaanaa muraasa maqaa kana of keessaa qabanii**  
In sha Allaah kutaa itti aanu keessatti itti fufnaâ€!

### Maddoota

- [1] Xariiqul Hijrateyn-fuula 470
- [2] Fiqhu Al-Asmaâ€TMil Husnaâ€“ fuula 76, Abdurazzaaq bin AbdulMuhsin Badri
- [3] Maâ€TMaariju tafakkur wa daqaaâ€TMiqu tadabburi 8/717, Abdurahmaan Habanka
- [4] Walillahi asmaaâ€TMul Husnaa fadâ€TMuuuu bihaâ€“ AbdulAziz bin Naasir Jaliil,

---

[5] [Ash-Shirku fil qadiimi wal hadiis](#)i-fuula 54, Abu Bakr Muhammad Zakariya

[6] Walillahi asmaaâ€™ul Husnaa fudâ€™uuhu bihaa

\*Maâ€™aariju tafakkur wa daqaaâ€™iqu tadabburi-9/596

**Date Created**

August 10, 2019

**Author**

admin